

奇耦典會



奇耦典會



新雅堂奇耦典彙卷之九

石門 梅自 秉芳氏著

自華秉文

男

華西山

嶧東山金校

弟 自顯秉元全叅 侄

嶧秀山

自升秉恒

士杭春舫重校

奇耦選舉志

銓選之政制舉之法是為國家掄才取士之鉅典雖治法
治人隨時升降而規制章程正須考詳因採累朝考課推
陞掄選賓典之列奇耦
者名曰奇耦選舉志

選舉志 一奇

制舉一法

一進士

隋煬帝大業二年始建進士科唐六典云進士之科始於大業年間盛於唐貞元永徽之際貞元太宗年

號永徽高

宗年號

一殿試

唐選舉志云武后天授元年二月辛酉策貢士於洛陽殿貢士殿試自此始

一題名

唐自常肇及第偶於鴈塔題名後人效之遂成故事至中宗神龍以來杏園宴後必於慈恩寺鴈塔下題

名同年中推善書者組之他時有將相者則朱書之宋制進士中第賜名于桂籍堂明則于國子監立石題名

一聞喜宴

進士聞喜後上賜宴于曲江亭謂之聞喜宴亦曰曲江宴撫言曰曲江遊賞雖云神龍以來然盛于

開元之末瓊林賜宴亦唐曲江

杏園之事耳明則賜宴于禮部

一禮闈

唐初以吏部考功員外郎主試舉人玄宗開元十四年考功員外郎為貢舉所詆帝以員外望輕不足以

臨多士遂移貢舉於
禮部以侍郎主之

一 賜花

唐懿宗開新第宴於同江乃命折花一金盒令中官馳至宴所宣口敕曰便今戴花飲酒無不爲榮

一 花榜

唐宣宗大中以來禮部放榜歲取一二
人姓氏稀僻者謂之色目人亦曰花榜

一 覆試

宋太祖開寶元年因陶穀之子邠登第遂命中書覆試而邠復登第遂下詔曰自今舉人凡開食祿之家

悉食中書覆試
宋覆試自此始

一 賜及第

宋開宝六年徐士廉訴李昉貢舉不公帝親御講武殿給紙筆別試進士諸科百二十五人皆賜及

第且賜二十萬以張宴會謫昉爲太常少卿殿試遂爲永制按漢之取士其射策中者謂之高第隋唐以來進士諸科遂有及

第之目

一 釋褐

宋太宗太平興國二年賜呂蒙正並張齊賢等五百人皆及第皆賜綠袍靴笏賜宴賜詩後遂爲例謂之

釋褐馬

一三甲

宋太宗興國八年三月宋白王世則榜始時帝親試

以詩遂為定制一甲三名狀元榜眼探花號三鼎甲進

士杏園初會謂之探花宴以少雋一人為探花使遍遊名

國。明太祖欽定資格例取一甲三名第一名從六品除

授修撰第二名第三名正七品除授編修皆賜進士及第

第二甲散館補授編修從七品賜進士出身。第三甲庶

吉士散館補授檢討正八品賜同進士出身。泰下五甲

等五

一瓊林宴

詳見右

一傳臚

宋太宗雍熙三年梁顥登第始于集英殿唱第日天

唱曰某姓名閣門則承之以傳於堦下衛士六

七人齊聲傳之謂之金殿傳臚亦謂之遶雷

一 封印試卷

自宋真宗咸平三年始

一 謄錄院

彌封官

覆考

編排

皆自真宗祥符間始

一 易詩賦問

詔策

神宗熙寧三年呂公著知貢舉言天子臨軒策士徒用詩賦非求賢求治之意今廷

試乞以詔策諮訪治道

一 邀場

不繼燭

唐制禮部試舉人邀場者夜以三鼓為限至宋率以白晝交卷不復繼燭

一 科目

自漢有科目之名科者程也式也言立此程式必中程中式者方取錄也唐選舉志云唐制取士之科多

因隋舊其大要有二由學館曰生徒由州縣曰鄉貢皆升于有司而進退之其科之目有秀才有明經有造士

一 元科舉

元自世祖成宗武宗皆未舉行至仁宗皇慶三年始行科舉

一 明科舉

太祖洪武十七年春頒行科舉成式每三年一大比以子午卯酉年八月鄉試辰戌丑未年二月會試

一科甲

謂貢舉名第也某科某甲故曰科甲

一五經

自唐取士制舉科名已有五經科宋時鄭俠父量同五經出身大觀時莆田黃泳以童子時賜五經

一武舉

自唐武后長安三年初置武舉其制有長壕馬射步射箇射又有馬槍絕關負酌身材之選至宋仁宗

八年始置武舉定制壕音陀射壕也絕音奏

一策武士

宋神宗熙寧七年始策武舉之士凡武舉試義策及武藝俱優者為右班殿前司及殿試又試騎射

及策俱優為右班殿直次優為三班奉職文次借職末三班差役又神宗時樞密院修武舉法不能答策者答兵

書墨義王安石曰武舉而試墨義無補干事先王取勇力

之士皆屬於車右者欲以備禦武之用則記誦何施帝從之

國朝乾隆二十五年定武場式一馬箭試二回共六箭後者

地球一回捻以中三箭為合式缺者不准步試○二步箭

各射六箭以中二箭為合式缺者不准考弓刀石把定三

十步馬弓以三力步弓以五力為率不及者不准入場

三內場裁汰四書論一篇止作武經論一篇第一問武經
四書論二篇武經三書止然一章約三百字不必作論
一武殿三甲 明嘉宗天啓二年吏科甄淑疏請文武一例殿
方司同科道查明年貌勇力藝才德在本人名下十月
上旬過堂令各陳所能先期演武十月望口上臨朝策
閣臣與兵部尚書待班聽上欽定分三甲一甲三名授
司會書二甲三十名授守備三甲百餘名授鎮撫各出身
職方可遇缺即授定限三年
選完此武科殿試之始也

選舉志二

選舉二途

士

庶

古者周漢以前用人不拘資格至後世
則分兩途士子不居賤職庶族不居清

贈晉劉毅陳九品之
上品無寒門下品無勢族

取人二途

儒吏

文獻通考曰西漢開經書二途以取人
末為抑揚輕重自後魏為二途儒詆吏

為俗吏謂儒為迂故拘謗不通者一歸之儒故
傷無耻者一歸之吏二途皆不足以得人矣

孝秀二等

漢

孝廉

秀才

漢取士有孝廉秀才二等

劉宋亦

正觀中有舉而不第者坐其州長由是其
科廢然自唐及宋雖進士猶以秀才為號

舉士二科

隋

志行修謹

科

清平幹濟

文帝開皇間以此二科舉人

制舉二科

唐

直言極諫

科

博學宏詞

唐初科目分制舉為二科又六科詳後。賈至

古今搜羅散失其學如此而後謂之博聞中肆外出口成章
其材如此而後謂之宏唐裴度韓休中直言極諫科是也

開寶二科

宋太祖開寶時八官資序有二經科如三礼三傳之類是也

俊秀二科

魏言曰永徽已前俊士秀才二科先與進士並列歲

去俊秀故曰之曰進士登利記

永徽歲亨皆唐高宗年號

朱墨三書

宋仁宗朝歐陽脩言天下官吏朝廷無由徧知賢惡

使至州縣遍見官吏其公廉無狀者以朱書於名下

元豐二選

宋

左選

右選

神宗元豐制以流內銓歸吏部侍郎

元祐兩科

經義

詩賦

仁宗時司馬光言取士之法當先德

先於詞章至於律令使爲士者果能知道義自與法律冥合

何必置明法一科習爲刻薄至哲宗始罷明法科定科舉法

紹興兩科

即上兩科○高宗時札部侍郎金安節言通經者苦

請復分經義詩賦爲兩科永爲

武舉二科

一平射

一武舉

選舉志三奇

司馬三升 升司徒 升學 升司馬 禮王制曰鄉論秀士升司徒曰選士司徒論

選士之秀者升之學曰俊士曰造士大樂正論造士之秀者以告於王而升諸司馬曰進士

立政三宅 宅乃事 常任牧伯準克即宅曰三有俊克即俊厥性

正式克用三宅三俊。事即常任謂任事之公卿牧即常伯謂牧民之長準即準人謂守法之有司宅謂使之居此官也

立政三俊 常任 常伯 準夫 三宅以位言三俊以才言

周公三吐 周公戒魯公曰慎無以魯國驕多士吾一沐三握髮一飯三吐哺猶恐失天下之士也又周公三握三吐

以朝見天下士

大禹三握 一饋而十起一沐三握髮以勞天下之民附錄

釣有三權六韜太公曰釣有三權祿寺以權死寺以權官寺以

註云釣者以餌引魚等以祿引士魚死於餌等士死於祿魚以餌來等士以祿來故云按三權比士于魚亦非帝王養士大人報國之本懷恐後世權謀假託之說云爾

臣有三本 德當位 功當祿 能當官管子言人臣任職德與位功與祿能與官

皆當相和也

士有三選齊語鄉長所進 官長所選 公所嘗相謂量視也

賢有三授墨子云爵位不高則民勿敬蓄祿不厚則民不信政令不

材有三等 官人使吏之材士大夫官師之材卿相輔佐之材荀子書

求士三知 勇 力 仁劉子楚莊王借獵以求士刺虎豹者知其勇攫兕兕者知其力罷出而分

所得知其仁

用人三去禮詐怒貪禮運云用人之智去其詐用人之勇去其怒用人之仁去其貪

貢士三適音釋好德賢賢有功大戴禮曰古者諸侯貢士一適謂之好德再適謂之賢七

三適謂之有功乃加九錫不貢士一則黜爵再則黜地三則黜爵地畢矣貢得其人口適又唐有鄉貢進士今舉人亦稱貢

士

西漢三曹常侍曹二千石曹西漢盛時未有選法成帝時始立常侍曹尚書一人主公

卿之選又立二千石曹尚書一人主郡國之選選而選法始起至成帝又故尚書為三曹

東漢三曹功曹東西曹吏曹自成帝立三曹選于郡國屬功曹選于公府屬東西

曹選于天臺屬吏曹光武帝又改常侍曹為吏部曹尚書端王選舉以總此三曹之事而選法漸密

唐選三曹即三

唐法三銓

尚書銓

中銓

乾元中改曰西銓

東銓

唐六典云唐選法選官分為三曹選

法分為四事文選掌于吏部武選掌于兵部皆列三銓之法尚書與其一為尚書銓掌七品以上之選侍郎即分其二一為西銓一為東銓掌八品以下之選是為三銓選法流外謂之小選。文武各有三銓亦稱三選。四事身言書判流外謂之雜職未入流者

唐法三校

德

度德居位才受職

勞計勞升叙。六典唐選法四事皆舉加以三校三者既校然後

三授

唐制三授

冊授

敕授

旨授

三品以上冊授五品以上敕授宰臣奏議而拜除之六品

以下旨授吏部銓才授職然後上言詔旨但畫聞以從而不可否者也

奉陵三選

七相五公

一豪傑

二貨殖

三。三都賦云三選七遷克奉陵邑謂選三等

之人如徙吏二千石及高貴人豪強兼併之家於諸陵旨高帝至宣帝凡七朝故云七遷元帝後不遷

捕盜三科 攻劫 傷人及盜 遊惰 東漢安帝時朝歌多盜鄧騭惡虞詡令為朝歌

長人皆弔之詔設三科以募壯士攻劫者為上傷人及盜次之不事家業者為下皆貫其罪令入賊中秀之行劫伏兵誅之又潛使人以綵線縫賊襖有入市者輒擒之而盜遂平邑稱神明以王法不容者赦以捕盜譬猶以夷狄攻夷狄也

茂材三科 明經 明律令 能治劇 漢始以明經射策取人漢以通經多憲補授至唐

亦有明經之科目。按科目科者程也謂立此程式中者取之董仲舒中茂材科

明經三科 甲科 為郎 乙科 為太子舍人 丙科 為文學掌故 茂材

三科召信臣以甲科為郎

黜陟三科 唐 茂異 賢良 幹蠱 太宗時陸贄說黜陟使以三科登俊

非常三科

唐

生徒

由學館進

鄉貢

由州縣升

制舉

天子自試以待非常之士。見唐選舉志

選舉三科

德才勞

唐德宗時沈既濟選舉之法三科曰德也才也勞也然安行徐言非德也

藻芳翰非才也累資積考非勞也以此求天下士固未盡矣臣謂五品以上宣令宰臣進叙吏部兵部得奏議焉六品以下許州府辟用其或選用非公則吏部察而舉之加以譴黜則衆才咸得而官無不治矣。銓選年格之弊時莫不以爲當革沈論可以救弊然總之治法必先得治人然後乃可收治效嘻難言矣

察舉三等

唐

上中下

唐太宗命轉運察舉官吏本之四善分爲三等宋太祖因之開寶詔書則

以政績優異爲上格居官次粗治職務爲中臨事弛慢爲下又真宗景德詔條則以利國爲民爲上幹而無廉清而不治爲中濫聲頗彰爲下

孝廉三第

上第

卽注官

中第

得出身

下第

罷歸。唐代宗勅議舉孝廉楊瑄賢相疏曰古